

女科準繩 一之四

調經門

赤白帶下

白濁白淫

赤白帶下

嚴巢氏病源論婦人有三十六疾者七癥八瘕九痛十二帶下也而帶下不顯其證今人唯知赤白二帶耳此由勞傷衝任風冷據於胞絡婦人平居血欲常多氣欲常少百疾不生或氣倍於血氣倍生寒血不化赤遂成白帶若氣平血少血少生熱血不化紅遂成赤帶寒熱交并則赤白俱下其脈右手尺浮浮爲陽陽絕者無子苦足冷帶下輕則漏下甚則崩中皆心不榮血肝不藏血所致其脈寸口弦而大弦則爲減大則爲芤減爲寒芤爲虛寒虛相搏其脈爲革主

半產漏下又人寸脈虛者漏血漏血脈浮者不可治

產寶帶下三十六疾者是十二癥九痛七害五傷

三固謂之三十六疾也十二癥者是所下之物一者

如膏二者如青血三如紫汁四如赤皮五如膿痂六

如豆汁七如葵羹八如凝血九如清血似水十如米

泔十一如月浣十二如經度不應期也九痛者一陰

中痛二陰中淋痛三小便痛四寒冷痛五月來時腹

痛六氣滿來時足痛七汗出陰中如蟲齧痛八脇下

皮痛九腰痛七害者一害食二害氣三害冷四害勞

五害房六害姙七害睡五傷者一竅孔痛二寒冷痛

三小腹痛四臟不仁五子門不正引背痛三固者月
水閉塞不通其餘二者文缺不載而仲景所說三十
六種疾皆由子臟冷熱勞損而夾下起於陰內也

丹赤白帶羅先生法或十棗湯

方見傷寒
脇滿痛

或神佑丸

方見雜
病痰飲

或玉燭散

即四物加
調胃承氣

皆可用之虛者不可峻

攻實者可行

血虛加減四物湯

氣虛以朮參陳

皮間與之

赤屬血白屬氣主治燥濕爲先

濕甚

者固腸丸

方見
後

相火動者諸藥中加炒槩

滑者

加龍骨赤石脂

滯者加葵花

白者治白帶
赤者治赤帶

性躁

者加黃連

寒月少加薑附臨機應變先須斷厚味

帶下多是濕痰

帶下與夢遺同法治之

肥人有帶多是濕痰用海

石半夏南星炒檠青黛蒼朮川芎

瘦人帶病少如

有多是熱用炒檠蛤粉滑石川芎青黛樗皮帶漏

俱是胃中痰積流下滲膀胱出於大腸小腸宜升提

甚者上必用吐以提其氣下用二陳湯加白朮蒼朮

仍用丸子

戴赤白帶下皆因七情內傷或下元虛冷感非一端

大率下白帶多間有下赤者並宜順氣散吞震靈丹

仍佐艾附丸或米飲調沙參末帶下不止或尪羸者

四物湯加煨牡蠣粉半錢吞固陽丸多服取効

匡湯
正

見雜病
遺精門

有帶疾愈後一二月或再發半年一發先
血而後下帶來不可遏停蓄未幾又復傾瀉此名漏
帶最爲難治 下載之血小腹主之有因血虛而虛
熱陷入小腸致小便澀痛色白如泔或成沙粒皆不
可作淋治用冷劑宜以四物湯五苓飲各半貼和煎
〔良〕婦人帶下其名有五因經行產後風邪入胞門
傳於臟腑而致之若傷足厥陰肝經色如青泥傷手
少陰心經色如紅津傷手太陰肺經形如白涕傷足
太陰脾經黃如爛瓜傷足少陰腎經黑如衄血人有
帶脈橫於腰間如束帶之狀病生於此故名爲帶

薛徐用誠先生云前證白屬氣而赤屬血東垣先生云血崩久則亡陽故白滑之物下流未必全拘於帶脈亦有濕痰流注下焦或腎肝陰淫之濕勝或因驚恐而木乘土位濁液下流或思慕爲筋痿戴人以六脈滑大有力用宣導之法此瀉其實也東垣以脈微細沉緊或洪大而虛用補陽調經乃兼責其虛也丹溪用海石南星椿根皮之類乃治其濕痰也竊謂前證皆當壯脾胃升陽氣爲主佐以各經見證之藥色青者屬肝用小柴胡加山梔防風濕熱壅滯小便赤澀用龍膽瀉肝湯肝血不足或燥熱風熱用六味丸

虛而有積者先攻後補

色赤者屬心用小柴胡加黃連山梔當歸思慮過傷
用妙香散等藥色白者屬肺用補中益氣加山梔色
黃者屬脾用六君子加山梔柴胡不應用歸脾湯色
黑者屬腎用六味九氣血俱虛八珍湯陽氣下陷補
中益氣湯濕痰下注前湯加茯苓半夏蒼朮黃檗氣
虛痰飲下注四七湯送六味丸不可拘肥人多痰瘦
人多火而以燥濕瀉火之藥輕治之也

潔治帶下少腹冤結而痛者先以十棗湯下之次服
苦楝丸大元胡散調之是先攻後補之法也

治結痰白帶以小胃丹半饑半飽津液下數丸候鬱

積行卻服補藥

白朮 壹兩

蒼朮 半兩

紅白葵花 貳錢半

白芍藥 柒錢半

右蒸餅爲丸空心煎四物湯下二十九

陶遵道外姑年七十形瘦善啖白帶食前薑湯吞大補丸五十九一二次午膳後及臨臥時各與小胃丹十五丸愈

脈滑大有
力爲
實宜
攻

予和頃頃邱一婦人病帶下連綿不絕白物或來已三載矣命予脈之診其兩手脈俱滑大而有力得六七至常上熱口乾眩暈時嘔酢水余知其實有寒痰

在胸中以瓜蒂散吐出冷痰二三升皆酢水也間如黃涎狀如爛膠次以漿粥養其胃氣又次用導水禹攻以瀉其下然後以淡劑滲泄之藥利其水道不數日而愈 息城李左衙之妻病白帶如水竅漏中綿綿不絕臭穢之氣不可近面黃食減已三年矣諸醫皆云積冷陽起石硫黃薑附之藥重重燥補污水轉多戴人斷之曰此帶濁水本熱乘太陽經其寒水不禁固故如此也夫水自高而趨下宜先絕其上源乃涌痰二三升次日下沃水斗餘行三遍汗出周身至明旦病人云汚已不下矣次用寒涼之劑服及半載

產一男

燥劑有濕痰而弱不禁攻者燥之熱濕宜涼燥寒濕

宜溫燥

涼燥

檮皮丸 治赤白帶有濕熱者

芍藥 伍錢

良薑 叁錢 燒灰

黃檗 貳錢 各炒成灰

椿根皮 壹兩半

右爲末粥丸每服三五十九空心米飲吞下

赤白帶因濕熱勝而下者

蒼朮 鹽炒

白芍藥 各壹兩

枳殼 叁錢

椿根皮 炒貳兩

乾薑 煨貳兩

地榆 半兩

甘草 叁錢

滑石 壹兩炒

爲末粥丸米飲下

治帶下

椿根皮 貳兩

神麴 炒

麥皮麴 炒

黃檗 炒各壹兩

芍藥 壹兩半

滑石

枳殼 各半兩

蒼朮 壹兩

右爲末糊丸桐子大每服五十丸空心下

固腸丸 治濕氣下利大便血白帶去脾胃陳積之

後用此以燥下濕亦不曾單用看病作湯使椿根

皮爲末粥糊爲丸此藥性涼而燥須炒用一方加

滑石一半

治白帶因七情所傷脈數者

黃連炒

側柏葉酒蒸

黃檗炒各半兩

香附子醋炒

白朮炒各壹兩

白芷燒存性

木香各叁錢

椿根皮炒貳兩

白芍藥壹兩

右爲末飯粥爲丸米飲湯送下

右五方治帶椿皮例涼燥之劑濕熱盛者宜之後

一方有黃連香附木香故可治七情所傷

溫燥

大乳香散

治赤白帶下

草蓂

壹枚去皮入麝香一小塊用麵餅裹火炮焦黃留性取出和麵用之

右爲細末每服貳錢陳皮飲調下重者叁錢

丹帶下不止用椒目白芷 治白帶用椒目爲末米

飲調服

治帶下方

右用雲母粉溫水調下三錢立見神効

伏龍肝散

治赤白帶下久患不瘥怔忡乏力六脈

微濡

櫻櫚

不拘多少燒赤急以盆蓋陰冷存性

伏龍肝

於竈直下去取赤土炒令烟盡

屋梁上懸塵

炒令烟盡出火毒

右等分研勻入腦麝各少許每服參錢溫酒或淡

醋湯下患十年者半月可安

馬蹄丸

治白漏不絕

白馬蹄

禹餘糧

各肆兩

龍骨

叁兩

烏鰂魚骨

白僵蠶

赤石脂

各貳兩

右爲細末煉蜜和丸如梧桐子大每服十九空心酒送下不止加三十丸

又方治白帶

用白芷以石灰炒去皮茜草少許粥糊丸服

大[白]芷散

治赤白帶下

白芷

貳兩

海螵蛸

貳箇

胎髮

壹團

右爲細末空心溫酒調下貳錢

丹赤白帶用生狗頭骨燒灰存性酒調服或入藥服

潤劑帶下久而枯涸者濡之凡大補氣血皆所以濡之如以四物湯爲末煉蜜丸梧子大空心米飲下三四十丸以療年高婦人白帶良驗皆潤劑也以另有補劑故止著葵花郁李仁之例於此條耳

補經固真湯 白文舉正室白帶常漏久矣服諸藥

不効脰得心胞尺脈極微其白帶流而不止叔和脈經云崩中日久爲白帶漏下多時骨水枯言崩中者始病血崩不已久下則血少復亡其陽故白滑之物下流不止是本經血海將枯津液復亡枯乾不能滋養筋骨以本經行經藥爲引用爲使以

大辛甘油膩之藥潤其枯燥而滋滋津液以大辛
熱之氣味補其陽道生其血脈以苦寒之藥泄其
肺而救其上熱傷氣以人參補之以微苦溫之藥
佐而益元氣名曰補經固真湯

人參

貳錢

橘皮

不去白
半錢

乾薑

末貳錢

白葵花

拾陸朵
去萼碎

柴胡

甘草

炙

郁李仁

去皮尖
研

生黃芩

各壹錢
另剉

右除黃芩外以水參大盞煎至一盞七分再入黃
芩同煎至一盞去滓空心帶熱服候少時以早膳

壓之